



### 1. Ons Missie

Om vanuit 'n Christelike geloof vaste beginsels en waardes aan u kosbaarste besittings, u kinders oor te dra. Hier gaan die kinders in 'n huislike, warm atmosfeer kan speel en ontdek.

### 2. Ons Visie

Ons beywer ons tot die ontwikkeling van selfstandige denke, sosialisering en probleemoplossing, deur middel van vordering teen eie tempo, ontwikkeling van eie potensiaal en identifisering van probleemareas.

### 3. Diensure

Maandag tot Vrydag: **06:30 - 17:30**

U kan slegs vanaf 06:30 by die kodehek inkom.

### 4. Parkeerterrein

INGANGSHEK: Meyerstraat

UITGANGSHEK: Chris Hougaardtstraat

Slegs met skoolvakansies en soms laatmiddae, kan die Meyerstraathek moontlik gesluit wees, weens praktiese- en veiligheidsredes.

### 5. Boeteheffing

**R50.00 per vyf minute, of 'n gedeelte daarvan, wat u laat is.** Dit word dadelik aan die personeellede aan diens betaal en in die "Laatkomboekie" aangeteken. Gewoonlik is die personeel wat toesluit, reeds vanaf 06:30 aan diens en hulle het in die namiddae ook private afspraak of verpligtinge om na te kom. Ons vra asb. u samewerking in die verband.

### 6. Vakansie

Wierie Woekerland is oop gedurende skoolvakansies, maar sluit gedurende alle openbare en "spesiale" skool vakansiedae. U word jaarliks betyds ingelig rondom die sluiting- en openings datums. Ons poog egter om die personeel ten minste 'n drie/vier weke vakansie tydens Desember/Januarie te gee.

### 7. Kalenderblad:

Babas, peuters en kleuters ontvang elke maand 'n kalender blaadjie per "Whatsapp"/e-pos/ webtuiste waarop punte van belang vir die betrokke maand aangedui word.



## **8. Toestemming**

Ouer/s gee toestemming dat enige personeellid u kind na die naaste mediese-praktisyn kan neem en dat die kind mediese behandeling op die onkoste van die ouer mag ontvang, indien die ouer nie telefonies gekontak kan word nie.

**Neem asb kennis dat indien u kind deur 'n ander persoon afgehaal word, moét u as ouer die betrokke personeellid in kennis stel en die besonderhede deurgee wie u kind kom afhaal. Geen kind sal saam met iemand anders huistoe gaan indien dit nie vooraf gereël is nie.**

## **9. Gesondheid**

**Geen medikasie word by die skool deur personeel toegedien nie. Verwys na gesondheid brief gedateer Oktober 2019.**

Indien u kind afwesig is, moet die kleuterskool dadelik ingelig word. (Beplanning rondom kos)

U kind moet egter nie skool toe kom met oog infeksies of aansteeklike siektes nie. Kinders met kopluse kan ook nie die skool bywoon nie. Ons vra asb. u samewerking in die verband.



012 654-9856



info@wieriewoeker.co.za  
www.wieriewoekerland.co.za



Meyerstraat 204,  
Wierdapark, 0149